

欽定四庫全書

集部

欽定補繪蕭雲從離騷全圖卷下



欽定四庫全書

欽定補繪蕭雲從離騷全圖卷中

天問

天問者屈原之所作也何不言問天天尊不可問故
曰天問也屈原放逐憂心愁悴彷徨山澤經歷陵陸
嗟號旻天仰天歎息見楚有先王之廟及公卿祠堂
圖畫天地山川神靈琦瑋儷及古賢聖怪物行事
周流罷倦休息其下仰見圖畫因書其壁呵而問之

以洩憤懣舒寫愁思楚人哀惜屈原因共論述故其
文義不次序云爾




曰遂古之初誰傳道之上下未形何由考之冥昭瞢闇
誰能極之馮翼維象何以識之明明闇闇惟時何為陰
陽三合何本何化圜則九重孰營度之惟茲何功孰初
作之斡維焉繫天極焉加八柱何當東南何虧九天之
際安放安屬隅隈多有誰知其數天何所沓十二焉分
日月安屬列星安陳出自湯谷次於蒙汜自明及晦所
行幾里夜光何德死則又育厥利維何而顧免在腹



女岐無合夫焉取九子



伯強何取惠氣安在



何闔而晦何開而明角宿未旦曜靈安歲



不任汨鴻師何以尚之僉曰何憂何不課而行之鳴龜
曳銜鯨何聽焉順欲成功帝何刑焉永遏在羽山夫何
三伯不施年禹腹鯨夫何以變化纂就前緒遂成考功
何續初繼業而厥謀不同洪淵極深何以寘之地方九
則何以墳之



應龍何畫河海何厯鯨何所營禹何所成

